

Njila wa Disanka

Nusanke mu Mukelenge misangu yonso, nengambe tshiakabidi ne,
Nusanke ... Mukelenge udi pabuipi.

(Filipoi 4:4-5)

Yesu mene wakalua nabo pabuipi, wakenda nabo. Bakambilangana ne,
Mitshima yetu kayakadi itema munda muetu, anyi, pakadiye utuambila
malu mu njila?

(Luka 24:15,32)

Mukelenge Yesu wakamba ne, Monayi, ndi nenu matuku onso too ne
kunshikidilu kua tshikondo etshi. Yeye neikale nebe, kena ukupanga, kena
ukulekela: kutshinyi, kuzakadi.


(Matayo 28:20. Dutelonome 31:8)

Nunku nuidikije kuenza mudi Nzambi wenza, bu bana bende bananga.
Nuende bienu mu dinanga bu muakanusua Kilisto, wakadifila bua bualu
buetu bu mulambu ne tshintu tshishipa bua kuikaleye mupuya wa dipembu
dimpe kudi Nzambi. Edi ndinanga, bua tuetu tuende bu mudi mikenji
yende.

(Efeso 5:1-2, 2 Yone 6)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>



Njila wa Muoyo

Mukelenge Yesu Kilisto wakamba ne, Meme ndi bianyi njila ne bulelela ne muoyo. (Yone 14:6)

Ndi bianyi bidia bia muoyo; walua kundi kena wikala ne nzala, wangitabuja kena wikala ne nyota. Ndi munya wa ba pa buloba; wandonda kena wendakana mu midima, kadi neikale ne munya wa muoyo. Meme ndi bianyi dibisha, ndi bianyi muoyo; udi ungitabuja, nansha biafueye, neikale ne muoyo kabidi. (Yone 6:35. 8:12. 11:25)

Ungumvuije luse luebe lujalame'ne dinda dionso, bua ndi ngeyemena kuudi. Umanyishe njila undi ne bualu bua kuendela, bualu bua ndi mbisha muoyo wanyi kuudi. Wewe neundeje njila wa muoyo. Tshiuwidi tshia masanka tshidi pa buipi nebe; masanka adi mu tshianza tshiebe tshia balume tshiendelege. (Musambu 143:8. 16:11)

Nzambi wanyi ... unyishe njila yebe. Undombole biebe mu bulelela buebe, unyishe; bualu bua wewe udi Nzambi wa lupandu luanyi. (Musambu 25:2-5)

Njila wa Meji

Nenkuyishe lungenyi, nenkuleje njila uudi ne bua kuendela, nenkupe meji patshidi disu dianyi kuudi. Pawakeba kusesuka ku tshianza tshia balume, anyi ku tshianza tshia bakaji, matshu ebe neumvue diyi difume kunyima kuebe, diamba ne, Njila kayewu, endelamu. (Musambu 32:8. Yeshaya 30:21)

Umvua, muananyi, witabuja meyi anyi ... nakukuyisha mua kuenda mu njila wa meji, nakukulombola mu njila ya malu makane. Pawenda, biendedi biebe kabiena bikandibue; biwanyema, kuena ulenduka ... kubuedi mu njila wa bantu babi nansha; kuendi mu njila wa benji ba bienzedi bibi. Epuka ku njila awu, kupitshimu nansha; umukamu, pita kumpala. Njila wa bantu bakane udi bu diba dia kabundubundu, diti tema ne dikenkakenka too ne pakumbana diba dia munda munya. Ubatamishile makasa ebe njila, ne njila yebe yonso ikale miludika bimpe. Kusesuki ku tshianza tshia balume anyi ku tshianza tshia bakaji; umushe dikasa diebe ku malu mabi. (Nsumuinu 4:10-18, 26,27)

Njila wa Lupandu

Kakuena muntu udi muakane, nansha umue. Kakuena muntu udi ujingulula buakane bua Nzambi... bonso bakapambuka ... kakuena muntu udi wenza malu mimpe, nansha umue. Bualu bua bonso bakenza malu mabi, ne badi bapanga kupeta butumbi kudi Nzambi. (Lomo 3:10-12,23)

Bundi nabu mbua kuenza tshinyi bua kusungidibua? ... Itabuja Mukelenge Yesu, neusungidibue. Biwajukula ne mukana muebe ne, Yesu udi Mukelenge, ne biwitabuja mu mutshima webe ne, Nzambi wakamubisha ku bafue, neusungidibue. Bualu bua bantu badi bitabuja ne mutshima bua kupeta buakane, badi bajukula ne mukana bua kupeta lupandu. (Bienzedi 16:30, 31. Lomo 10:9, 10)

Kilisto wakafuila bua malu mabi etu, bu mudi Mukanda wa Nzambi wamba; wakajikibua, wakubishibua ku lufu pakapita matuku asatu, bu mudi Mukanda wa Nzambi wamba. Tuetu mene netupanduke munyi, bituapetula lupandu bunene nunku? (1 Kolinto 15:3,4. Ebelu 2:3)

Njila wa Bantu Babi

Njila udiku udi mululame ku mesu kua muntu, kadi nshikidilu wende udi lufu. Njila udi mupote wenda udi muimpe ku mesu kuende, kadi udi umvua lungenyi ludibo bamuleja udi ne meji. (Nsumuinu 14:12,12:15)

Makasa anyi akamba kusesuka kaba kabale; biendedi bianyi biakamba kuselemuka. Bualu bua nakadi mukuatshile bantu badi badisue mukawu, panakatangila diakalengele dia bantu babi. Panakela meji bua kumanya bualu ebu, buakupita kunkengesa, too ne panakabuela mu muaba wa tshijila wa Nzambi, ne nakelanganamu meji a kunshikidilu kuabo. Kadi ntu ngikala nebe mafuku onso; wewe udi unkuata ku tshianza tshianyi tshia balume. Wewe neundombole ne meji ebe, pashishe, neumbueje mu butumbi. Ndi ne nganyi mu diulu anu wewe nkayebe? Kakuena mukuabo pa buloba undi musue anu wewe. Mubidi wanyi ne mutshima wanyi bidi bipanga, kadi Nzambi udi dibue dia mutshima wanyi ne bupianyi buanyi tshiendelege. (Musambu 73:2,3,16,17,23-26)